

MISSINGIUT

Eqikkaaneq uanga

Meeravissartaarneq pillugu inatsimmut aamma angajoqqaat akisussaanerat pillugu inatsimmut allannguutit arlallit Kalaallit Nunaannut atuutilernissaannik peqqussut

(Meeqqamut pitsaanerususaaq, aappariit inooqatigiit meeravissartaarnissaannut periarfissiineq, Ankestyrelsenip maalaartarfiunera il. il. meeravissartaarnermut tunngasuni aamma toqusoqarnerani angajoqqaatut oqartussaaneq il. il.)

1. Aallaqqaasiut

Naalackersuisut noqqaassutigisimasaattut Kalaallit Nunaanni ilaqutariinnermi inatsisitigut nutarsaanermut ilagitillugu, meeravissartaarneq pillugu inatsimmi aamma angajoqqaat akisussaanerat pillugu inatsimmi allannguutit Kalaallit Nunaannut atuuttussanngortitaapput.

Taamaattumik meeravissartaarneq pillugu inatsimmi aamma angajoqqaat akisussaanerat pillugu inatsimmi allannguutissanut missingiutit peqqussummi Kalaallit Nunaanni atuuttussatut suliarineqarput (Meeqqamut pitsaanerususaaq, aappariit meeravissartaarnissaannik periarfissaaq, Ankestyrelsenip maalaartarfiunera il. il. meeravissartaarnermut tunngasuni aamma toqusoqarnerani angajoqqaatut oqartussaaneq il. il.).

2. Meeravissartaarneq pillugu inatsimmut allannguutit arlallit atuutilernissaat

Meeravissartaarneq pillugu inatsit Kalaallit Nunaannut atuutilersinneqarpoq, tak. meeravissartaarneq pillugu inatsisip inatsisillu allat assigiinngitsut Kalaallit Nunaannut peqqussutikkut nr. 410, apriliip 21-anni 2010-meersukkut atuutilersinneqartut (Meeravissartaarneq pillugu peqqussut).

Peqqussutissatut missingiummi meeravissartaarneq pillugu inatsimmi allannguutit, inatsisinik ataani pineqartunik atuuttussanngortinneqarput, Kalaallit Nunaanni pissutsinut naapertuuttunngortillugit:

- Meeravissartaarneq pillugu inatsisip inatsisillu allat assigiinngitsut (Akuersinertaqanngitsumik meeravissartaarneq, aappariittut nalunaarsimasap meeraanik inunngorneraniit meerarsiatut meeravissartaarneq il. il.) allanngortinneqarnissaat pillugu inatsit nr. 494, juunip 12-anni 2009-meersoq.
- Nakorsamit suliaritinnermut, nappaammik suussusersiortaatsimut aamma ilisimatusarnermut il. il. atasumik ikkussivigitinnikkut kinguaassiorarneq pillugu inatsisip, meeqqat pillugit inatsisip aamma meeravissartaarneq pillugu inatsisip (ikkussivigitinnikkut kinguaassiorarneq pillugu inatsisip atuuffiata annertusinera, kinaassutsimik isertuisumik aamma isertuinngitsumik mannissamik aamma anisuumik ikkussivigitilluni kinguaassaqalernermit tunngasumik suliaritinnermut atasumik, ikkussivigitilluni kinguaassaqalernermit tunngasumik ataataanermik aalajangersaaneq, aappariittut nalunaarsukkamik aapparisap meeraanik meeravissartaarneq

aamma meeravissiarthaarnissaq pillugu suliani il. il. aggetarneq) allangortinneqarnissaat pillugu inatsit nr. 602, juunip 18-ianni 2012-imeersoq.

- Meeravissiarthaarneq pillugu inatsisip, angajoqqaat akisussaaneerat pillugu inatsisip aamma danskisut innuttaassuseqarneq pillugu inatsisip (aappariit inooqatigiit meeravissiarthaarsinnaaneerat il. il.) allangortinneqarnissaat pillugu inatsit nr. 1525, 27. december 2014-imeersoq.
- Meeravissiarthaarneq pillugu inatsisip (meeravissiarthaarnermi il. il. ilusiliineq nutaaq) allangortinneqarnissaa pillugu inatsit nr. 1740, decembarip 22-anni 2015-meersoq.
- Inatsisini aalajangersakkanik allanguineq pillugu inatsisip aamma ilaqutariittut inooqatigiinnermi maalaarsinnaatitaaneq piginnaatitaanerlu il. il. pillugit inatsisip (Ankestyrelsen maalaartarfittut atorlugu il. il.) allangortinneqarnissaat pillugu inatsit nr. 1741, decembarip 22-anni 2015-meersoq.

Meeravissiarthaarneq pillugu inatsimmi allanguutit, peqqussutikkut matumuuna Kalaallit Nunaannut atuutilertussat pingaarnerusumik makkuupput:

- Begreb-ip "Meeqqamut iluaqutaasussaq"-p, atorunnaarlugu "Meeqqamut pitsaanerusussaq"-p atorneqarnera
- Aappariit inooqatigiit meeravissiarthaarsinnaalernerat
- Ankestyrelseni maalaartarfissatut il. il.
- Meeravissiarthaarnermi inuttut najuuttussaaneq
- Adoptionsnævniip katitigaanera
- Nunani tamalaani meeravissiarthaarnermi atuutilernerup piffissaligaasarnera

Taakkua saniatigut peqqussutip imarai atuutsitsilernerneq aalajangersaaneerit, imaqartut inatsisitigut periaatsitigut meeravissiarthaarneq pillugu inatsimmik nalimmassaasut.

Malugineqassaaq, meeravissiarthaarneq pillugu peqqussut malillugu justitsministerip ullumikkut suliai social- aamma indenrigsministerimit ingerlanneqarmata.

Meeravissiarthaarneq pillugu inatsimmut allanguutit inatsisini ataani pineqartuni meeravissiarthaarneq pillugu peqqussutip kingornagut aalajangiunneqartut, Kalaallit Nunaannut atuutilersinneqassanngimmata, pingaartumik imaqaramik inatsisilianik Kalaallit Nunaannut maannakkut atuutilersinnaanngitsunik, imaralugit inatsisinut allanguutit allanguutini kingusinnerusuni allangortinneqarsimasut, imaluunniit imaralugit inatsisiliat Kalaallit Nunaannut attuumassuteqanngitsut:

- Nunap immikkoortuini naalagaaffiup ingerlatsinera pillugu inatsisip, meeqqat pilersugaaneerat pillugu inatsisip, katinnikkut aappariilernerup atulernerat atorunnaarneralu pillugu inatsisip aamma inatsisit allat assigiinngitsut tunngaveqartut naalagaaffimmi ingerlatsinerni aqqissuussaaneerup allangortinneqarnerata kingunerinik (naalagaaffimmi ingerlatsinerup aqqissuussaaneerata allanguuteqartinnera, malittarisat pisariillisarneraqarneerat aamma ilaqutariit pillugit inatsisiliornerup iluani aningaasartuutini matussusiisumik nammineq akiliineq il. il.) allangortinneqarnissaat pillugu inatsit nr. 647, juunip 12-anni 2013-imeersoq.
- Meeqqat pillugit inatsisip, meeravissiarthaarneq pillugu inatsisip, eqqartuussisarneq pillugu inatsisip aamma inatsisit allat assigiinngitsut (anaanaaqataasinnaaneq il. il.) allangortinneqarnissaat pillugu inatsit nr. 652, juunip 12-anni 2013-imeersoq.

- Pisortatut oqartussaasunut qinnuteqaatinut, nalunaarutiginninnernut, nalunaarutinut aamma nalunaaruteqarneq pillugit inatsisip (Piumasaqaataasumik digitalimik imminut kiffartuunnermut ikaarsaarneq, pineqartillugit sanaartorfissamik qinnuteqarneq, angajoqqaatut oqartussaasissamik qinnuteqarneq, meeqqap najugaqarnera, najortigiittarneq il. il. averusernissamik avivinnissamillu qinnuteqarneq, meeqqat pisartagaat aamma aappaasutut pisartakkat, ineqarnermi aallaqqaasiissutissanik qinnuteqarneq, biilnik uninngatitsisinnaanermut allagartamik qinnuteqarneq aamma qitiusumik inuit allattorsimaffiannut uppersaatinik qinnuteqarneq il. il.) allanngortinneqarnissaat pillugu inatsit nr. 552, juunip 2.-ani 2014-imeersoq.
- Meeravissiartaarneq pillugu inatsisip, inunnik kiffartuussineq pillugu inatsip, angajoqqaat akisussaanagerat pillugu inatsisip aamma inunnik isumaginninnermi inatsisitigut isumannaassuseq sulianillu ingerlatsineq pillugit inatsisip (Akuersinertaqanngitsumik meeravissiartaarnermut piumasaqaatit sakkukillinerat il. il.) allanngortinneqarnissaat pillugu inatsit nr. 530, apriliip 29-anni 2015-imeersoq.
- Meeravissiartaarneq pillugu inatsisip (Danskít Savalimmiormiullu meeravissiartaarnermi malittarisaat pillugit Savalimmiunik isumaqatigiissusiorsinnaanermik pisinnaatitsineq) allanngortinneqarnissaa pillugu inatsit nr. 163, martsip 5-ani 2018-imeersoq.
- Angajoqqaat akisussaanagerat pillugu inatsisip, katinnikkut apparilertarneq avittarnerlu pillugit inatsisip aamma inatsisit allat assigiinngitsut (Familiertshuset pillugu inatsisip allanngornerata kinguneranik aamma angajoqqaatut akisussaanagermi suliani meeqqap illersugaanagerata sakkortusinera) allanngortinneqarnissaat pillugu inatsit nr. 1711, decembarip 27-anni 2018-imeersoq.
- Meeravissiartaarneq pillugu inatsisip, inunnik kiffartuussisarneq pillugu inatsisip aamma inatsisit allat assigiinngitsut (Ingerlaavarneq aamma meeqqat akuersinertaqanngitsumik meeravissiartaarineqartut pisariitsumik ingerlannerat) allanngortinneqarnissaat pillugu inatsit nr. 497, maajip 1.-ani 2019-imeersoq.

2.1. Inatsit atuuttut

- *Meeqqamut pitsaanerususaaq*

Meeravissiartaarneq pillugu inatsimmi § 2 malillugu meeravissiartaarneq akuersissutigineqarsinnaavoq aatsaat ilimagineqarpat meeqqamut meeravissiartaariniarlugu kissaatigineqartumut pitsaanerusuussasooq. Taamaaqataatut peqqussummi § 11, imm. 1 malillugu meeqqap angajoqqaavinit akuersinertaqanngitsumik pisinnaasooq meeqqamut pitsaanerususaaq eqqarsaatigalugu.

- *Aapparit inooqatigiit meeravissiartaarnissamut periarfissaat*

Meeravissiartaariniagaq 18-it inorlugit ukioqarpat, peqqussummi § 5 malillugu meeravissiartaarnissaaq akuersissutigineqarsinnaavoq, qinnuteqartoq meeravissiartaarsinnaanermik akuerineqarpat. Akuerineqarsinnaanerli piumasaqaataassanngilaq meeravissiartaarisassaaq katinnikut apparisap meerarippagu (meerarsiamik meeravissiartaarneq).

Katissimasoq peqqussummi § 6 aallaavigalugu meeravissartaarsinnaavoq aatsaat katinnikut aappani peqatigalugu. Aalajangersakkap aamma kinguneraa katinnikkut aappariit kisimik ataatsimut meeravissartaarsinnaanerit.

Peqqussummi § 7 malillugu katinnikkut aappaasup meeravissartaarsinnaavaa allap katinnikkut aappaasup meeraa (meerarsiamik meeravissartaarneq).

- *Ankestyrelsenip maalaartarfittut atuuffia il. il.*

Peqqussummi § 1 malillugu meeravissartaarneq nalunaarutigineqartassaaq akuersissutikkut Naalagaaffiup sinniisuanit suliarineqartartussamit.

Naalagaaffiup sinniisuata meeravissartaarnernik aalajangeneri peqqussummi § 35 malillugu social- aamma indenrigsministerimut maalaarutigineqarsinnaapput. Tamaattoq §§ 11 aamma 12 malillugit aalajangersaanernut, akuersinertaqanngitsumik meeravissartaarnernut tamanna atuutinngilaq, taakkua eqqartuussivimmumt ingerlatinneqarsinnaammata, aamma atuutinngilaq inunmut meeravissartaartussatut § 29, imm. 3 malillugu akuerisaasunut, taakkua Adoptionsnævni inu ingerlatinneqarsinnaammata.

Peqqussummi malillugu meeravissartaarnernik aalajangiinerit ataasiakkaat aalajangiivigineqartarput social- aamma indenrigsministerimut. Pineqarput peqqussummi malillugu §§ 20, 21 aamma 25 meeravissartaarnernik atorunnaarsitsinernut tunngasut. Aammattaaq peqqussummi § 33, imm. 2-p kinguneraa social- aamma indenrigsministerip akuersissutigisinnaagaa inuk nunami allami najugalik peqqussummi malillugu meeravissartaarsinnaasoq, suliaq Kalaallit Nunaannut immikkut attuumassuteqarsimappat. Kiisalu § 43-p kinguneraa, meeravissartaarnernit januaarip 1.-at 1957 sioqqullugu pilersinneqartut aallaavittut inatsisitigut attuumassuteqarmata meeravissartaarneq pillugu inatsimmut nr. 87, martsip 26-anni 1923-meersumut, kisianni social- aamma indenrigsministerip pineqartut peqqussummi malillugu inatsisitigut ilassuteqarfigisinnaavai.

Social- aamma indenrigsministerip piginnaatippaa Ankestyrelsenimi Familieretsafdeling, nammineq sinnerluni sulianik qulaani pineqartunik suliaqarnissaanut. Familieretsafdeling aqqissugaanermi Ankestyrelsenimut, nammineq oqartussaasumut, ilaavoq, taamaattumillu naalackersuisoqarfittut inissisimanani. Tamannali Familieretsafdelingimut atuutinngilaq, Ankestyrelsenimut ilaanermi saniatigut peqatigitillugu social- aamma indenrigsministeriamut tunngatillugu naalackersuisoqarfittut inissisimagami.

- *Meerarsiamik meeravissartaarnerni inuttut najuuttussaaneq*

Meeqqamik 18-it inorlugit ukiulimmik meeravissartaarnerni peqqussummi § 9 malillugu piimasaqaataavoq aallaavigineqartoq meeqqap angajoqqaavinit akuerineqarnissaq. Akuersineq tamanna peqqussummi § 10 malillugu angajoqqaanit inuttut najuunnikkut allakkiatut Naalagaaffiup sinniisuanut oqartussamulluunniit allamut, social- aamma indenrigsministerimut tamatumunnga akuerineqartumut, tunniunneqassaaq. Akuersinerup tunniutinnginnerani angajoqqaat ilitserorneqassapput meeravissartaarnernup akuersinerullu inatsisitigut kingunerisassaannut tunngasunik.

- *Adoptionsnævni*

Adoptionsnævni peqqussummi § 29 ilaatigut malillugu Naalagaaffiup sinniisuata meeravissartaartussatut akuerisaat pillugit maalaartarfiuvoq.

Aalajangiisartut taakkua tassaapput siulittaasoq aamma ilaasortat allat. Siulittaasoq eqqartuussisuussaaq. Maalaarutinik tamanik suliaqarnerni najuutissapput ikinnerpaamik ilaasortat 5-t, tamatumani ilaallutik siulittaasoq imaluunniit ilaasortaq 1 aalajangiisartunut siulittaasuussalluni piginnaasassanik naammassinnittoq. Aalajangiisartunut ilaasortat aamma taakkununga sinniisussat ukiunut 4-nut ivertinneqartassapput.

- *Nunani tamalaani akuersissutit atuuffiitut piffissami killigitat*

Meeqqamik nunamit allameersumik meeravissartaarneq peqqussummi § 1, imm. 2 malillugu akuerineqartoq atuutilissaaq meeqqap Kalaallit Nunaannut tikinneraniit.

2.2. Peqqussumut missingiut

Meeravissartaarneq pillugu inatsimmi allannguutit Kalaallit Nunaannut atuuttussanngortussat peqqusutissatut missingiummi pineqartumi matuma ataani pingaarnersiorlugit allaatigineqarput.

Peqqusut malillugu Meeravissartaarnermik nalunaaruteqarnermik aalajangiinerni tunngavioq tamanut atuuttoq tassaavoq, meeravissartaarneq meeqqamut pitsaannerusuussasoq. Ilaqutariinneq pillugu inatsisiliornermi meeqqanut tunngasunik aalajangiinerni atornerarpoq mianerisassaq pingaannerusoq tassaasoq, meeqqamut pitsaannerusassaq. Peqqusutissatut missingiummi oqariaaseq "meeqqamut iluaqutaasussaq" taamaammat allanngortinneqarpoq "meeqqamut pitsaannerusassaq"-nngorlugu. Pineqaannarpoq oqaatsitigut meeravissartaarnermik aaqqissuinermi nutaanngorsaaneq.

Peqqusutissatut missingiummi aappariit inooqatigiit katinnikkut aappariit naligalugit meeravissartaarsinnaapput, aamma inooqataasoq periarfissaqarpoq inooqatimi meeraa meeravissartaarissallugu (meerarsiamik meeravissartaarneq). Aappariinnut suaiaqatigiinnut tamanna aamma atuuppoq.

Aammattaaq missingiummi ingerlaqqittumik Ankestyrelsenip social- aamma indenrigsministerip meeravissartaartarnerup iluani aalajangersimasut suliaassai tiguai, pingaartumik suliaassat maalaarutaasut. Taamaalilluni Familieretsafdelingi tamakkiisumik Ankestyrelsenimut ilanngutivippoq aamma naalakkersuisoqarfittut inissisimajunnaarluni.

Meeravissartaarnermi akuersinermik angajoqqaat nalunaaruteqartarnerannut tunngatillugu missingiutip imaraa malittarisanik pisariillisaaneq, imaammat akuersineq siunissami tunniunneqarsinnaalissasoq allakkatigut. Taamaalilluni piumasaqaataajunnaarpoq akuersineq tunniunneqartassasoq inuttut najuunnikkut.

Adoptionsnævni pillugu missingiummi aalajangersakkat isumaqarput aalajangiisartut katitigaanerannut malittarisassat assigiit atuutissasut, apeqqutaatinnagu aalajangiisartut suliarigaat Familieretshusetimit imaluunniit Naalagaaffiup sinniisuanit meeravissartaarnermi aalajangikkanut maalaarutit. Allannguutini erseqqissaatigineqarpoq siulittaasoq Højesteretimi eqqartuussisuussasoq imaluunniit nunap eqqartuussisuuneraassasoq, aamma ilaasortat atuuffissat ukiut 8-taassasut. Aammattaaq Naalagaaffiup sinniisuata meeravissartaartut akuerineqarnermik aalajangersagaanut maalaarsinnaanermut kingusinnerpaamik killigititaq qaammatinut 6-nut inissinneqarpoq.

Kiisalu missingiut isumaqarpoq nunamit allameersumik meeqqamik meeravissartaarnermi meeqqap Kalaallit Nunaannut tikinneraniit akuersissut atuuttalissasoq. Meeravissartaarnermut

piffissami killilikkami misiliineq ilagittinneqarsimappat akuersissut atulissaaq misiliinerup naaneraniit, kisianni Naalagaaffiup sinniisuata tamanna sanioqqussinnaavaa, pissutsit immikkut ittut naapertorlugit.

3. Angajoqqaat akisussaannerat pillugu inatsimmut allannguutit arlallit atuutilernissaat

Angajoqqaat akisussaannerat pillugu inatsit Kalaallit Nunaannut atuutilerpoq peqqussutikkut nr. 680, juunip 10-ani 2016-imeersukkut, angajoqqaat akisussaannerat pillugu inatsisip Kalaallit Nunaannut atuutilerneratigut.

Peqqussutissatut missingiummi ilanngunneqarput angajoqqaat akisussaannerat pillugu inatsimmi allannguutit, inatsisinik ataani pineqartunik malinnittut, atuutilertut Kalaallit Nunaannut naapertuuttunngortillugit:

- Meeravissartaarneq pillugu inatsisip, angajoqqaat akisussaannerat pillugu inatsisip aamma danskisut innuttaassuseqarneq pillugu inatsisip (aappariit inooqatigiit meeravissartaarsinnaannerat il. il.) allanngortinneqarnissaat pillugu inatsit nr. 1525, 27. december 2014-imeersoq.
- Angajoqqaat akisussaannerat pillugu inatsisip aamma eqqartuussisarneq pillugu inatsisip (suleqatigiinnermi akornusersuinermit il. il. akuersaannginneq) allanngortinneqarnissaat pillugu inatsit nr. 270, marsip 25-anni 2015-imeersoq.
- Angajoqqaat akisussaannerat pillugu inatsisip aamma inooqatiginnermi kiffartuussissutit pillugit inatsisip (Angajoqqaatut oqartussaaneq, angajoqqaatut angajoqqaataata toqussimappagu, angajoqqaatut oqartussaaneermik aappariinnut najugaqatigiittunut nuussineq il. il.) allanngortinneqarnissaat pillugu inatsit nr. 133, februaarip 16-iani 2016-imeersoq.
- Angajoqqaat akisussaannerat pillugu inatsisip, katinnikkut aappariilertarneq avivittarnerlu pillugit inatsisip inatsisillu allat assigiinngitsut (Familiertshuset pillugu inatsisimmi allannguutit aamma angajoqqaat akisussaannerat pillugu inatsit malillugu suliani meeqqamik illersuinerup sakkortusineru) allanngortinneqarnissaat pillugu inatsit nr. 1711, 27. december 2018-imeersoq.

Angajoqqaat akisussaannerat pillugu inatsimmut allannguutit peqqussummut missingiut malillugu Kalaallit Nunaanni atuuttunngortussat, pingaartumik ukununga tunngasuupput:

- Meeqqamut pitsaanerususaaq
- Angajoqqaatut oqartussaaneq pillugu isumaqatigiissutit, tassunga ilagitillugit angajoqqaatut oqartussaaneermik aappariinnut inooqatigiittunut nuussineq
- Meeravissartaarnermi angajoqqaatut oqartussaaneq
- Toqusoqarnerani angajoqqaatut oqartussaaneq
- Najortigiittarneq
- Aalajangiigallarnerit

Peqqussummik atuutilersitsineq taakkua saniatigut imaqarpoq aalajangersakkanik inatsisiliornermi periaatsinik nalimmassaanernik aamma angajoqqaat akisussaannerat pillugu inatsimmut erseqqissaataasunik.

Angajoqqaat akisussaenerat pillugu inatsimmut allannguutit inatsisinik ataani pineqartunik malinnittut Kalaallit Nunaannut atuutilissanngillat, pingaartumik inatsisiliornermik Kalaallit Nunaannut maanna atuutilersinnaanngitsunik ima qarput, aamma inatsisinut allannguutit inatsisit kingusinnerusukkut allanngortinneqarsimanerimik ima qarlutik imaluunniit ima qarlutik Kalaallit Nunaannut attuumassuteqanngitsunik:

- Meeravissiarthaarneq pillugu inatsisip, inunnik kiffartuussineq pillugu inatsip, angajoqqaat akisussaenerat pillugu inatsisip aamma inunnik isumaginninnermi inatsisitigut isumannaassuseq sulianillu ingerlatsineq pillugit inatsisip (Akuersinertaqanngitsumik meeravissiarthaarnermut piimasaqaatit sakkukillinerat il. il.) allanngortinneqarnissaat pillugu inatsit nr. 530, apriliip 29-anni 2015-imeersoq.
- Inatsisini aalajangersakkanik allannguneq pillugu inatsisip aamma ilaqtariittut inooqatigiinnermi maalaarsinnaatitaaneq piginnaatitaanerlu il. il. pillugit inatsisip (Ankestyrelsen maalaartarfittut atorlugu il. il.) allanngortinneqarnissaat pillugu inatsit nr. 1741, decembarip 22-anni 2015-meersoq.
- Angajoqqaat akisussaenerat pillugu inatsimmut allannguut (Angajoqqaatut oqartussaaneq, meeqqap najugaa, angajoqqaap sakkortunerusumik pinerluttuliorsimaneq pillugu eqqartuunneqarsimasup meeqqaminik najorteqarnera) inatsit nr. 202, martsip 5.-ani 2019-imeersoq.
- Meeravissiarthaarneq pillugu inatsisip, inunnik kiffartuussisarneq pillugu inatsisip aamma inatsisit allat assigiinngitsut (Ingerlaavarneq aamma meeqqat akuersinertaqanngitsumik meeravissiarthaarineqartut pisariitsumik ingerlannerat) allanngortinneqarnissaannik inatsit nr. 497, maajip 1.-ani 2019-imeersoq.

3.1. Inatsisit atuuttut

- *Meeqqamut pitsaannerusussaq*

Angajoqqaat akisussaenerat pillugu peqqussummi § 4 malillugu aalajangersakkat aalajangerneqassapput meeqqamut pitsaannerusussaq siunertaralugu. Matumuuna peqqussummi § 5 malillugu isumagineqassapput meeqqap nammineq isummiussai, ukioqqortussuseq inerisimanerlu aallaavigalugit.

- *Angajoqqaatut oqartussaaneq pillugu isumaqatigiissutit, tassunga ilagitillugu angajoqqaatut oqartussaanerup aappariinnut inooqatigiittunut nuunnissaa*

Peqqussummi §§ 9 aamma 10, angajoqqaatut akisussaaqatigiinnermi isumaqatigiissuteqartarnermut tunngatillugu aalajangersakkanik ima qarput. Aalajangersakkat ataatsimut angajoqqaatut oqartussaaneq pillugu, ataatsimut angajoqqaatut oqartussaanerimik atorunnaarsitsinnaaneq pillugu aamma arlaata kisimiilluni angajoqqaatut oqartussaannaanut periarfissaa pillugu, angajoqqaat isumaqatigiissuteqarsinnaanerannut periarfissiipput.

Peqqussummi § 13, imm. 2 malillugu angajoqqaatut oqartussaaneq isumaqatigiissutikkut angajoqqaanut allanut nuunneqarsinnaavoq. Angajoqqaatut oqartussaaneq ilaatigut nuunneqarsinnaavoq katinnikkut aappariinnut, tassunga ilagitillugu angajoqqaat arlaat taassumalu katinnikkut aapparissaa.

- *Meeravissiarthaarnermi angajoqqaatut oqartussaaneq*

Peqqussut angajoqqaatut oqartussaannermut aalajangersakkanik kapitali 2-mi imaqarpoq.

Peqqussummi § 6 malillugu angajoqqaat meeqqap inunngornerani katissimasut, imaluunniit katinnikkut aappariilersimasut aallaavittut ataatsimoorlutik angajoqqaatut oqartussaasuupput.

Angajoqqaat katinnikkut aappariunngitsut, peqqussummi § 7 malillugu ataatsimut angajoqqaatut oqartussaasuupput, isumaqatigiissutigisimagunikku ataatsimut angajoqqaatut peqqussummi § 9 malillugu oqartussaasuujumallutik. Angut akuersinikkut imaluunniit eqqartuussivikkut aalajangiinikkut meeqqamut ataataasutut isigineqarpat, angajoqqaat ataatsimut angajoqqaatut oqartussaassuseqarput, inuit nalunaarsugaaffianni najugaqatigiikkunik najugaqatigiissimagunilluunniit meeqqap inunngorneraniit qaammatini kingullerni 10-ni. Pissutsini allani anaanaasoq kisimi angajoqqaatut oqartussaasuuvuq.

- *Toqusoqarnerani angajoqqaatut oqartussaaneq*

Peqqussutip § 15, imm. 1-ia malillugu angajoqqaat ataatsimut oqartussaagaangata, aamma angajoqqaap aappaa toqukkut qimaguppat, angajoqqaatut oqartussaaneq angajoqqaap aappaaniiginnassaaq. Meeraq toqusoqarnerani angajoqqaami inuusumi najugaqanngippat, inuup allap noqqaassutigisinnaavaa angajoqqaatut oqartussaalerinissani. Noqqaaneq taamaattoq taamaallaat akuersaarneqarsinnaavoq, meeqqamut pitsaanagerusussaq pillugu, tassa angajoqqaq sulii inuusooq meeqqamut oqartussaasuunnginnissaa pitsaanagerusutut nalilerneqarpat.

Meeraq toqusoqarnerani angajoqqaami sulii inuusumi najugaqarpat, taassumalu angajoqqaatut oqartussaaqatini toqussimappagu, inuup allap eqqartuussivik noqqaavigisinnaavaa angajoqqaatut oqartussaaneq pigilerumallugu. Noqqaaneq taamaattoq taamaallaat akuersaarneqarsinnaavoq, meeqqamut pitsaanagerusussaq pillugu, tassa angajoqqaq sulii inuusooq meeqqamut oqartussaasuunnginnissaa pitsaanagerusutut nalilerneqarpat.

Angajoqqaq angajoqqaatut oqartussaasoq kisimiittuuppat, taannalu toquppat, imaluunniit toqusoqarneranut sunniuteqartuuppat, taamaalilluni meeqqamut oqartussaasoqarunnaarluni, peqqussummi § 15, imm. 2 malillugu eqqartuussivik aalajangiissaaq, meeqqamut pitsaanagerusussaq eqqarsaatigalugu kina oqartussaasuunngussanersoq. Angajoqqaq sulii inuusooq angajoqqaatut oqartussaasuunngorusuppat akuerineqassaaq, tamanna meeqqamut pitsaanagerusussatut nalilerneqarpat.

Angajoqqaq kisimiilluni oqartussaaguni, taassumalu angajoqqaqatini toqussimappagu, inuup allap peqqussummi § 15, imm. 3 malillugu angajoqqaatut oqartussaaffiup pigilernissaa noqqaassutigisinnaavaa. Noqqaaneq taamaattoq taamaallaat akuerineqarsinnaavoq, meeqqamut pitsaanagerusussaq eqqarsaatigalugu, tassa angajoqqaq sulii inuusooq meeqqamut oqartussaasuunnginnissaa pitsaanagerusutut nalilerneqarpat.

Angajoqqaatut oqartussaaneq peqqussummi § 15, imm. 4 malillugu tunniunneqarsinnaavoq katinnikkut aappariinnut, tassunga ilagitillugu angajoqqaamut sulii inuusumut taassumalu katinnikkut aapparisaanut.

Meeqqamut angajoqqaatut oqartussaasut arlaannaalluunniit pissarsiarineqarsinnaanngippata najugarisami kommunalbestyrelsi pisussaavoq meeqqamut oqartussaasuussamik toqqaassalluni. Isumaginnittoqarfiup aqunneqarnera aaqjissuussaaneralu pillugit Inatsisartut peqqussutaat nr. 11, 12. november 2001-imeersumi § 6-mut aammalu meeqqat tapersorsorneqarnissaannut Inatsisartut inatsisaat nr. 20, 26. juni 2017-imeersumi § 3-mut innersuussisoqarpoq.

- *Najortigiittarneq*

Peqqussummi §§ 19 aamma 21 malillugit anguniarneqarpoq meeqqap angajoqqaaminut illugiimmik attaveqarnissaa, tassa meeqqap angajoqqaani najugaqatiginngisani najortigisisassagaa. Najortigiinnerup annertussusianut atuutsinneranullu isumaqatigiinngissuteqartoqarpas tamatumani eqqartuussivik aalajangersaasinnaavoq.

Social- aamma indenrigsministerip peqqussummi § 42 malillugu malittarisassanik aalajangersaasinnaavoq ilaatigut angajoqqaatut oqartussaannermut, meeqqap najugaqarneranut aamma najortigiittarnermut tunngasunik il. il.

Angajoqqaatut oqartussaaneq pillugu suliami, meeqqap najugaqarneranut aamma najortigiittarnermut tunngasuni imaluunniit eqqartuussisunut peqqussummi § 29, imm. 1 malillugu attaveqarnernut, eqqartuussiviup aalajangersaavigigallarsinnaavaa najortigiittarnissaaq allatulluunniit attaveqartarnissaaq. Aalajangersakkami imm. 2 malillugu imm. 1-imi aalajangiineq atuutissaaq najortigiittarneq pillugu aalajangiinissap naammassinissaata tungaanut, tassa najortigiittarneq pillugu isumaqatigiissutip imaluunniit allatut attaveqarnissaaq pillugu isumaqatigiissutip atuutilernissaata tungaanut.

3.2. Peqqussutitut missingiut

Angajoqqaat akisussaanagerat pillugu inatsimmi allannguutit Kalaallit Nunaannut atuutilertussat peqqussummut missingiummi pineqartut, pingaarnersiorlugit ataani allaatigineqarput.

- *Meeqqamut pitsaanerususaaq*

Peqqussutitut missingiummut angajoqqaat akisussaanagerat pillugu peqqussummi ivertinneqarpoq anguniakkatut aalajangersagaaq, tunngavissatut tamanut atuuttutut aalajangersaasoq, pissutsini peqqussummi pineqartuni tamani meeqqamut pitsaanerususaaq aamma meeqqap atugarissaarnissaanik isumaqarneq salliutinneqartoq. Peqatigitillugu angajoqqaat akisussaanagerat pillugu peqqussummi § 4-mi aalajangersagaaq ivertinneqarpoq, tamatuma kingorna eqqartuussiviup aamma Naalagaaffiup sinniisuata aallutissagaaq aalajangikkat sunniuteqaqataasussat meeqqap atugarissaarnissaanut illersorneqarnissaanullu persuttaanernut allatulluunniit ajoqusiisinnanernut navianartorsiortitsisinnaasunut, tassunga ilagitillugu persuttaanermut isiginnittuunngissamut illersugaaneq.

Aalajangersakkatigut tamakkunuuna meeqqamut pitsaanerususaaq aamma meeqqap atugarissaarnissaminut pisinnaatitaanera aamma illersugaanera erseqqissarneqarput angajoqqaatut oqartussaannermik pigisaqartunut aamma eqqartuussivinnut aammalu Naalagaaffiup sinniisuanut, meeqqamut tunngasunik aalajangiisoqassatillugu.

- *Angajoqqaatut oqartussaaneq pillugu isumaqatigiissutit, tassunga ilagitillugu angajoqqaatut oqartussaanagerup appariinnut inooqatigiittunut nuussinnaanissaa*

Peqqussutitut missingiummi angajoqqaat akisussaanagerat pillugu inatsimmi aalajangersakkat malillugit angajoqqaatut oqartussaannermik isumaqatigiissut atuutissanngilaq meeqqap inunngunnginnerani isumaqatigiissut suliarineqarsimappat, imaluunniit isumaqatigiissut piumasaqaatitaqarpas imaluunniit piffissamut killiligaappat. Aammattaaq angajoqqaatut oqartussaaneq inummut pingajuusumut nuunneqarsimasooq atuutissanngilaq akiliisoqarsimappat imaluunniit angajoqqaatut oqartussaannermik pigisaqartup sulinermi isertitassatut annaasai pillugit akiliuteqartoqarsimappat.

Tamatumani pineqarpoq aaqqissuussamik atuuttumik inatsisitigut atuuttunngortitsineq, tak. § 1, imm. 4, aamma § 3, imm. 2 Kalaallit Nunaanni angajoqqaatut oqartussaaneq il. il. pillugit nalunaarummi, tak. nalunaarut nr. 786, juunip 19-ianni 2016-imeersoq.

Peqatigitillugu angajoqqaatut oqartussaaneermik inummut pingajuusumut nuussisarneq pillugu malittarisassat allanngortinneqarput, angajoqqaatut oqartussaaneq nuunneqarsinnaasunngorlugu aappariinnut inooqatigiittunut, tassa meeqqap angajoqqaavata aappaanut aamma taassuma najugaqatitut aapparisaanut.

- *Meeravissiaataarnermi angajoqqaatut oqartussaaneq*

Aappariit inooqatigiittunut meeravissiaartaarsinnaanerat pillugu malittarisassanut uiggiullugu, tak. 2.2. imm., angajoqqaatut akisussaaneermut peqqussutitut missingiummut ikkunneqassaaq aalajangersagaq, tamaallillugit angajoqqaat meeravissiaartaarsimasut ataatsimoorlutik oqartussaasuunngortillugit. Aalajangersakkamut ilaavoq angajoqqaat meeqqamik kisimiilluni meeravissiaartaartoq, kisimiilluni angajoqqaatut oqartussaasuummat, aamma angajoqqaat ataatsimoorlutik angajoqqaatut oqartussaasuummata, aappaata aapparmi meeraa meeravissiaartaarisimappagu (meerarsiamik meeravissiaartaarneq).

- *Toqusoqartillugu angajoqqaatut oqartussaaneq*

Toqusoqartillugu angajoqqaatut oqartussaaneermut tunngatillugu missingiutip imarisai, malittarisassanut allannguutit, tassaapput angajoqqaat angajoqqaatiminik toqutsisimanerani angajoqqaatut oqartussaaneermut tunngatillugu meeqqamut pitsaaneerusassaq ujartorneqartassasoq. Tamatuma kinguneraa angajoqqaat sulit inuusup angajoqqaatut oqartussaaneermi sallitutaanera pisuni taama ittuni atorunnaassasoq. Taamatut aaqiineq naapertuuppoq meeqqamut pitsaaneerusassaq pingaartinneqarnerani, tak. qulaaniittoq.

Toqusoqarnerani oqartussaaneq pillugu nutaanik malittarisassaqaalerpoq, angajoqqaat toquppat, toqusoqarneratalu nalaani angajoqqaat tamarmik oqartussaasuuppata, angajoqqaat sulit inuusup kisimiilluni oqartussaasuuneq pigilissavaa. Pisunili allani immikuullarissuni inuup allap angajoqqaatut oqartussaalernissani qinnutigisinnaavaa, angajoqqaat sulit inuusup taarserlugu. Tamanna soorlu atuuppoq angajoqqaat toqunerata nalaani meeraq pineqartoq angajoqqaami sulit inuusumi najugaqarsimangikkaangat.

Angajoqqaat kisimiilluni angajoqqaatut oqartussaasoq toqusimappat, angajoqqaat sulit inuusup inuilluunniit allat angajoqqaatut oqartussaasuunngornissaq noqqaassutigisinnaavaat. Angajoqqaat ataatsimoorlutik angajoqqaatut oqartussaasuusimappata angajoqqaallu tamarmik toqusimappata, inuit allat taamatulli angajoqqaatut oqartussaalerumallutik noqqaassinnaapput.

Angajoqqaat oqartussaaqatigiissimappata, aappaalu angajoqqaatini toquppagu, imaluunniit toqutsisoq kisimiilluni oqartussaasuusimappat, eqqartuussiviup aalajangissavaa, oqartussaasuuneq sulit angajoqqaami inuusumiissanersoq imaluunniit allamut tunniunneqassanersoq.

Angajoqqaat angajoqqaatini toqussimappagu, angajoqqaarlutit toqusoq kisimiilluni oqartussaasuusimappat, angajoqqaat sulit inuusup inuillu allat oqartussaasuunngornissartik noqqaassutigisinnaavaat.

Angajoqqaatut oqartussaaneermut tunngatillugu toqusoqartillugu suliani, angajoqqaatut oqartussaaneq katinnikkut aappariinnut, najugaqatigiittut aappariinnut imaluunniit angajoqqaatut sulit inuusumut

taassumalu katinnikkut aapparisaanut imaluunniit inooqatigiittut aapparisaanut tunniunneqarsinnaavoq, taamaalilluni oqartussaasooqatigiilersillugit.

Pisuni qulaani taaneqartuni eqqartuussivik aalajangiisuusaaq kiap imaluunniit kikkut angajoqqaatut oqartussaaneramik pigisaqassanersut.

- *Najortigiittarneq*

Peqqussutissatut missingiutikkut angajoqqaat akisussaanerat pillugu peqqussummi najortigiittarneq pillugu malittarisassat ilaassuteqartinneqarput aalajangersakkamik, tamatumani aalajangersarneqarluni najortigiittarnissamik isumaqatigiinneq atorunnaartassasoq aatsaat angajoqqaat tamanna isumaqatigiissutigisimappassuk imaluunniit eqqartuussiviup atorunnaarsissimappagu.

Peqatigitillugu social- aamma indenrigsministeri taarsiissutaasumik najortigiittarnermut malittarisassanik aalajangersaanissamut periarfissaqalerpoq. Angajoqqaat akisussaanerat pillugu inatsimmi assingusumi aalajangersarneqarpoq nalunaarutikkut nr. 299, martsip 20-anni 2019-imeersumi § 9-kkut angajoqqaatut oqartussaaneq, meeqqap najugaqarnera aamma najortigiittarneq il. il. pillugit aalajangersakkani aalajangersarneqarportaaq najortigiittarneq pisussatut sapaatip akunnerani tullerriaani piffissaligaasoq isumaqatigiissutaasut malillugit pinngippat imaluunniit aalajangersarneqartut malillugit naammassineqanngippat, pissusissamisoortumik piffissaq najortigiinnissaq annaasaq taarserneqartassasoq (najortigiittarnermut taarsiissutitut pissusissamisoortut). Tamatumani najortigiinnissamut piffiissap annaasap taarserneqartarnissaa, najortigineqartussaagaluartumit aallaaveqartumik annaasaqaataasimasuussanngilaq taarserneqassaguni, aamma angajoqqaat najorneqartartussaasut najortigiinnerup naammassinngitsoornerata kingornagut erngertumik angajoqqaamut najugaqarfiusumut nalunaartassapput, kissaatigalugu annaasamut taarsiissutitut najortigiinnissaq. Kalaallit Nunaanni angajoqqaatut oqartussaaneq pillugu aalajangersagaq aamma taama ittoq nalunaaritut ivertinneqarumaarpoq il. il.

Angajoqqaat akisussaanerat pillugu peqqussutitut missingiut aamma imaqarpoq, najortigiittarneq pillugu aalajangiigallarnernut erseqqissaanernik il. il., tassa najortigiittarnermut allatulluunniit attaveqatigiittarnermut utaqqiisaagallartumik eqqartuussiviup aalajangiineri atuuttassasut, najortigiittarneq allatulluunniit attaveqatigiinneq pillugu inaarutaasumik aalajangiinissap tungaanut. Peqatigitillugu erseqqissarneqarpoq, angajoqqaatut oqartussaaneq pillugu imaluunniit meeqqap najugaqarnera pillugu suliani, najortigiittarnissamut allatulluunniit attaveqatigiittarnissamut utaqqiisaagallartumik eqqartuussiviup aalajangiineri, inaarutaasumik aalajangiininngortassasut angajoqqaatut oqartussaaneq pillugu imaluunniit meeqqap najugaqarnera pillugu suliat naammassineqaraangata ivertinneqarsinnaasutut, imaluunniit angajoqqaatut oqartussaaneq pillugu imaluunniit meeqqap najugaqarnera pillugu isumaqatigiissuteqartoqaraangat.

4. Atuutilernissaa

Peqqussut atuutilissaaq 1. april 2021.

5. Tusarniaaneq

Peqqussutitut missingiut piffissami killilimmi 29. oktober 2019-imiit 27. november 2019-imut tusarniaassutitut nassiussorneqarpoq oqartussaasunut soqutigisaqatigiiffinnullu makkununga:

Aalborg Universitet (Juridisk Institut), Aarhus Universitet (Juridisk Institut), Adoption & Samfund, Adoptionsnævnet, Adoptionspolitisk Forum, Adoptionstrekanten; Advokatrådet, Amnesty International,

Ankestyrelsen, Avannaata Kommunua, Barnets Tarv Nu, Børnerådet, Børnesagens Fællesråd, Børns Vilkår, Kalaallit Nunaanni Meeqqat Illersuisuat (MIO), DIA – Danish International Adoption, Danske Advokater, Danske Familieadvokater, Den Danske Dommerforening, Isumaginninnermut Inatsisinillu Atuutsitsinnermut Naalakkersuisoqarfik (Kalaallit Nunaanni), Kalaallit Illuutaat Aalborg, Kalaallit Illuutaat Aarhus, Kalaallit Illuutaat Odense, Kalaallit Illuutaat København, Dommerfuldmægtigforeningen, Domstolenes Tjenestemandforening, Domstolsstyrelsen, Et barn to forældre, Familieretshuset, Foreningen af Advokater og Advokatfuldmægtige, Foreningen af DJØF-ere i Familieretshuset, Foreningen Far til Støtte for Børn og Forældre, Peqatigiiffik Kalaallit Meerartaat, ForældreLANDSforeningen FBU, Godfar, Nunap Eqqartuussisuuneqarfia, Inuit Pisinnaatitaaffii pillugit Siunnersuisoqatigiit, Kredsdommerforeningen, Kvinderådet, Kommune Kujalleq, Kommune Qeqertalik, Kommuneqarfik Sermersooq, Københavns Universitet (Det Juridiske Fakultet), Landsforeningen Børn og Samvær, Landsforeningen af Kvindekrisecentre (LOKK), Landsforeningen LEV, Kalaallit Nunaanni Naligiissitaanissamut Siunnersuisoqatigiit, Mandecentret, Meeqqat Inuunerissut (MIBB), Mødrehjælpen, Naalakkersuisut (Naalakkersuisut Siulittaasoqarfia), Nunatsinni Advokatit (Grønlandske Advokater), Qeqqata Kommunua, Red Barnet, Retspolitisk Forening, Retssikkerhedsfonden, Retten i Grønland, Naalagaaffiup sinniisoqarfia, Sorlak (Kalaallit Nunaanni meeqqat inuusuttullu siunnersuisoqatigiiffiat), Syddansk Universitet (Juridisk Institut), Tænk tanken Adoption, Vestre Landsret, Østre Landsret aamma 121 Adoption.

6. Kalaallit Nunaanni oqartussanut aningaasatigut kinguneqaatissat

Meeravissartaarneq pillugu inatsimmut aamma angajoqqaat akisussaannerat pillugu inatsimmut allannguutit qulaani taaneqartut atuutilernissaat Kalaallit Nunaanni oqartussanut aningaasatigut malitseqassanngillat, suliaasaqarfiit atuutsitsilernerme sunniuteqarfiusussat Danmarkimi oqartussanit pisortatigut ingerlanneqarmata.